

求是堂詩集

求是堂詩集卷十二

隄嶺後集

涇縣

胡承珙

墨莊

大庾嶺二首

五嶠崔巍此最東，天將奇險界蠻中。
炎洲氣色魚龍變，陰壑牙須虎豹雄。
天末幾回瞻北斗，林端猶未換西風。
鄉書欲寄無黃耳，誰識征人兩鬢蓬。

振衣直上與峯齊，絕壁飛泉散馬蹄。
海日紅升千嶂曉，嶺雲青逼一天低。
秦關烽火銷橫浦，漢將樓船下越谿。
自古勇夫重閉地，只今何事用丸泥。

發南雄州

輿轎裝初改，衿瀧水急流。平鋪湘竹簟，高卧木蘭舟。草樹迴嵐合，烟雲出海浮。十年行路感，倚枕聽鈎輈。

戲題鷓鴣

鼻亭應不解，斯愁莫是平生。馬少游千載，武溪哀怨曲。至今猶自白人頭。

始興晚泊

溽暑行舟劇，陰晴轉瞬間。斷紅霞外樹，新碧雨中山。石色含終古，江聲走百蠻。洞天隨處好，風馭若爲攀。

發韶州

抱郭清流是曲江，扁舟還下武溪瀧。鷓鴣啼樹忽風雨，蜩

蝶繞船時一雙正石欲尋
巖叟室迴颿初聽蠻歌腔
三楓五渡貪看倦忘却攤書坐水牕

江上看山作

羣山產南方其狀盡如火
奇石欲助之歛起意皆果
錯疑補天質帶此餘焰墮
猶思燭天庭未肯稍帖妥
照水如有光出雲總成柔
猛雨西南來急掣江上柁
頃刻成迷離烟巒欲包裹
時還露嶙峋不受烟雨鎖
看山心未足薄晚卷簾坐
不惜飛雨侵磅礴解衣裸
作詩雕肝腎險澗非炙輶
所恐太瘦生逢人嘲飯顛

晚過彈子磯

舟行忽驚叫遙指千仞壁白日不敢過青天畏其逼咫尺
風雨來蒼茫失南北霽後橫孤雲絕頂更奇特扁舟方泝
游過此已曛黑不見霞駭文想像積鐵色奇鬼蹲陰厓森
然欲搏擊猿猱不到處鷹鷂尚棲息驚起聞拏音出巢拍
其翼層潭浩呼洶下有蛟蜃匿涎沫相迴旋滙此色深墨
安得秉烈焰巖巔趁宵陟探殼窺危巢然犀破幽域一試
摩厓書題名字深刻

觀音巖

危石覆層檐下凹上復凸垂纓結鍾乳倒影流滑笏水府
蟠孤根漱刷終碑兀何年漲退餘霽此老蛟窟遂生巧匠

心鏘鑿透山骨高處棲一龕怖鴿飛栩栩風水搏洞門祇
借渡人筏舍舟散腰脚入洞竦毛髮緣磴欲學蟻捫壁畏
逢嗽陰房燈青熒高閣香醪醇三重螺頂旋四角鬼眼突
天風忽吹人憑欄意恍惚老僧歷劫餘水火幾淪沒僧別
凡言
三十年前江水漲及岩半此洞不沒者
惟最上層耳又言岩中房宇屢燬于火
坐閱江上人孤帆
去飄忽我來爲尋山金仙不須謁歸棹期重經齋厨煨楮

拙

英山石歌

英山之石皴瘦透聞道百金不可購詎知江上有巨觀何
必一卷堪入袖君不見奇章甲乙題品工平泉醒酒來清

風烟雲過眼復何有巧偷豪奪終成空又不見靈壁之山
太湖水鑄鑿徒令混沌死山靈無力供人求盡掩洞門銅
石髓何如青天作簷宇大地開園林千山萬山標翠岑千
石萬石插碧簪到公奇礪詎足數海岳硯山安用尋几案
屏風漫言好人設焉能勝天造世間萬事如是觀莫大秋
毫泰山小東坡居士豔齒牙仇池小有已足誇如何看徧
嶺南石猶向壺中問九華

瀕陽峽

輕舟忽覺重苦被山影壓前艫厓丁吞後棹石笋夾人語
牛鳴窮波光劍在匣奔湍束逾怒瀉處如啓牖燕尾兩漿

同峰窩一篙恰重關夫指顧長嘯動歎飲近憶觀呂梁遙
思敵巴峽當年拒道覆架閣守此狹鯨鯢早已死海水淨
沈甲偶探山水勝遂與猿鳥狎瀧吏不相譏長年詎須怯
歷險始得奇雷思汎茗雷

江行看山贈荔園

名山不屑土爲肉所恐癡肥遂成俗以石爲骨苔爲皮有
時皮盡骨更奇臨江豈止愛山影浸入江波骨逾冷江流
一轉成一奇山欲稍平石不肯沿江皆山江自彎被山皆
石山不頑十年行役徧吳楚眼中復此佳江山我自癯容
稱山澤君更亭亭高勝石聯舟盡日相歡呼此石此山宜

此客

游峽山寺徧歷話
屐直上至古飛來寺
仍浴于僧房

而返得詩十首

萬里南游興隨鷗
下急川山開阮俞徑
門泊曲江船竹管
何年採藤書孰爲傳
無邊飛動意躡屨
逐靈仙

七寶莊嚴地雙扉
不用敲日高幡影定
風起唄音滄柳栗

從僧乞圖經借客抄
偶然談浩劫幽壑有
潛蛟

僧曠元言
某年山中

蛟水驟發漂
沒房舍無數

一片談經石

寺旁有達
摩談經石

千秋傍釣磯
松枝巢鶴穩
榕實飼

魚肥嬾欲和雲臥
閒思擇木依
不須常面壁
臨水自忘歸

絕澗危橋上天紳掛壁粗青林都欲濕赤日到來無啓閉

春雲碓烹茶泛雪腴小亭吾欲占

謂飛泉亭

終日看濺珠

百折紅泉澄天風翼客行石楠千歲壽杜宇四時聲

僧言山中

杜鵑四時皆有惟聲屢變耳

冰雪炎方積雷霆下界鳴輕裾飄動處眞

到化人城

古飛來寺前有正書第
十九福地石坊一座

鬼斧開三峽神踪問六朝上方天竺寺中宿海門潮逃石

安能儷奔龍不敢驕雲封聞掛角

相傳寺從皖山飛來曾掛一角于廩嶺即雲封

寺也回首更迢迢

歸猿何處洞僧指數峯西一徑蘿陰轉諸天竹翠迷風腥
聞過虎潭黑想沉犀直下愁苔滑蒼茫衆壑低

枯木堂千尺剛臨碧水隈翠屏當檻立清磬送帆開鹿女

攜花去猿童獻果來爲憐秋袂近相約共流杯

寺有流杯池已廢

徧踏黃金地深通青豆房玲瓏石鍾乳杳靄水沉香古壁
經年暗幽軒盡日涼平生詩酒污浴罷兩俱忘

草木嵇合狀烟雲帝釋家詩題河北紙種問嶺南花隔岫
聞樵唱迴颿識鼓槳歸舟情恹恍挾柁日初斜

贈峽山方丈曠元

二禺踪跡是耶非古洞清猿也不歸一谷石獰皆欲攫半
房雲擁尚疑飛泉聲灑落通香界蘚暈蒼涼上衲衣肯對
青山談世事鬢絲禪榻已忘機

中秋闌中和韓桂船中丞對次德定圃宗伯舊韻三

首

萬里南溟眼界寬，秋風八月不知寒。
勤將字映丹黃筆，恰喜兵銷赤黑丸。
今歲海氛悉靖，應試諸生較舊更多。水靜魚龍爭踴躍，夜光珠璧共團圓。
只愁五色迷人易，重起挑燈子細看。

頻年橐筆 玉輝旁

詔許掄才入貢綱，尚憶沉舟經苦海。
敢誇懸鏡在虛堂，看花鳳唳思佳節。
燕鼎龍涎采異香，昨過南能飛錫地。
者番千佛孰登場。

牙琴一曲輒情移，想到含豪矮屋時。
旌節初持心自凜，麻

衣再著事難知三年辛苦期無負九命文章問孰司
羨煞煎茶蘇玉局隔簾催試早成詩

中丞復示疊韻答李太守鳳岡威之作因疊韻奉和

兼柬太史

聞道中丞執法寬頌聲騰沸遍孤寒開今科以違例被黜者甚少早知

健筆如千莫前日以所作程墨見示復把新詩似彈丸法曲霓裳成

幾登洪鐘雷吼出雙樂天涯亭子何由到曾向雲封壁上

看昨過庾嶺於雲封寺壁上見中丞石刻詩茲答李太守有廿年前題詩欽州天涯亭之語時太守將赴任廉州

故云

羣吏尅趨兩案旁鎖闥清謐肅臺綱光搖蠟燭看投卷響

答詩筒聽滿堂石鼎風流誇手筆錦囊家世識心香自憐
短袖郎當甚可許輕登鮑老場

年來草帶孔頻移祇剩酸寒似舊時近海濤聲秋枕覺飲
冰心事夜燈知曾無名字聞中禁豈有文章替左司却喜
此邦儒雅盛歸裝贏得滿囊詩

三疊前韻答鳳岡太守

信有吟懷勝李寬笑他島瘦與郊寒便從牘尾書千首待
向竿頭弄七丸眼倦正思煎苦茗手香新似摘朱欒此行
飽厭佳山水好句何妨一例看

龍目嘗新見挺旁來遲不及荔枝綱七千里路經多日十

四科人尚此堂君戊戌進士先余十四科話到紅綾皆似夢排來畫戟

盡凝香相逢樽酒論文近庾鮑風流定擅場

雙旌五馬幾經移渡海欣逢浪靜時瘴捲高秋羣盜息珠

還深夜老漁知懸魚素望驚蠻獠佩犢新恩藉牧司見說

糧山如飯顆廉州有糧頭山莫真消瘦為吟詩

出榜有日矣四疊韻答中丞

指點鵬程爾許寬廣寒宮裏不勝寒殘宵過闕三千卷與予

荔園分閨落卷各三千餘本妙技誰排十二丸海國祇愁迷寶藏天門

原許玃椽欒何當故紙堆中出無限江山洗眼看

傳箋來自戟門旁幾度郵筒累紀綱磨盾定應清蟻穴時海

盜悉平土匪未靖原詩
有蟻穴蠶椽樂之句

探珠先已倒龍堂雲開粵嶺千尋

秀水挹曹溪一掬香我比退之爲後學也能拈筆賦毬場
大羅造榜已難移小住重闌又幾時一識荊州諸夙願數
篇滄海得新知平生也自羞溫飽此事何能稱職司火迫
鄧侯真可笑論文纔罷又敲詩

次韻制軍百菊溪

前

前輩督師高雷勦寇克捷粵海

胥平七月既望安撫事竣歸羊城紀事八首

皇威震疊及無雷肯使鯨鯢跋浪開地控金甌環海甸兵
臨玉帳值河魁波聲沸鼎陽侯助風勢捎旗颯毋回見說
萬人齊解甲傳呼天上令公來

滄溟南望淼無涯一日軍聲掣電馳下瀨戈船皆用鐵征
蠻銅鼓不須皮已消氛祲收妖蜃更駕風霆逐毒螭朝食
未遑期翦滅朱厓輕棄笑捐之

動搖兵氣望星河十萬貔貅盡枕戈踏浪捷如騎海兕射
生爭欲落天鵝水中蛟血身先斷城上烏啼尾豈訛信是
萬家香火佛指揮如意已降魔

吞舟鬣鬣肆蟠泥蕭斧堂堂歎久稽養虎官軍曾坐視狎
鷗海客敢多齋清宵烽火連尋陔長笛歌聲怨武溪巨鯨
十年真稔惡天教裴度到淮西

號令風雷頃刻生運籌神筆更縱橫軍中堅壁羣心定海

外奇功屈指成備盜久移橫浦檄摧鋒
[齊]借夜郎兵瀛壖
一帶平如席犴鳥撞花了不驚

詎有劉沉敢據嶼更無溫邵費函書聯舟幸免焚岡慘絕
島何曾結網疎萬里秋風生草木十洲明鏡卧龍魚感恩
并下鮫人泣泉室從今有定居

楯鼻磨成墨色新捷書飛騎入紅塵早知一范名驚賊合
拜千秋爵富民周召古原居保傅韋平

天已許因循
捷聞 恩加公宮保
銜及輕車都尉世職
伏波自昔誇雙祀鼎足

如今始有人

文通武達兩無慙開府威名到處諳三楚衣冠思艾獵全

齊獄市頌曹參

公由粵撫總制湖廣近復自山左移節來粵

陽春有脚都沾澤

止水無心盡息貪一曲鏡歌成白雪采風何幸到天南

復和制軍高雷道中簡溫莘圃朱耐菴兩觀察次韻

二首

龍川江上虎門邊契箭兵符一夕傳萬口蜩蟬惟獨斷三

軍旗鼓在中權燕然刊石看今日疏勒飛泉憶往年

公自山左

來粵時默騰于鈞突泉曾著靈異

記取行師方六月海雲如墨瘴如烟

殺賊揮刀疾似風果然歸啖荔枝紅

公舊詩有殺賊歸來啖荔枝之句

漢

官侍從威儀異軍府勛勳策力同慷慨登壇無絳灌從容

草檄勝嚴終

天書降紫翎飄翠上馬爭看嬰鍊翁

五疊韻答桂舫中丞贈別之作

滄波不及

主恩寬來往郵程歷暑寒庾嶺梅花行似雪秋林橘柚早
如丸望中氛祲銷金甲夢裏爐烟繞玉燼却笑偶題鸚鵡
賦一時賓座許傳看

山斗聲名

帝座旁外臺猶是握天綱傳家自寶青箱集

昨見示合祖補瓢存稿封

翁聽鐘樓詩稿暨自著朝京集

作記誰工畫錦堂日麗戟門秋校射風清

鈴閣夜焚香千篇真有如潮勢快覩魚龍曼舞場

烏榜舟輕晚更移河梁風雨黯然時前期漫託雲龍契後
會難憑越鳥知藥籠參苓先我貯

中丞培植士類今科粵
秀書院獲雋者甚多

騷壇盤敦更誰司他年橐筆書勲績餘事猶堪任校詩

留別菊溪前輩

瀛洲學步已難攀何意相逢山海間才大識公真似海詩
多憐我解看山玉堂人物堪十載銅鼓勲名又百蠻歸去
中朝相問訊籌邊應念髻毛毵

豈惟士女感無涯只我猶應拜賜嘉不是銀河新洗甲可
能珠斗穩浮槎上方正賜龍淵劔南國常開旌節花記取
圖書留潤筆鎖廳傳喚候宣麻

粵王臺懷古

擊水三千浪炊烟百萬家樓船半犀甲戰地幾蟲沙垂老
思朝漢詒謀恨獲嘉茫茫悲浩劫聊欲會無遮

臺址今爲觀音寺香

火甚盛

舟發羊城遊海幢寺

扁舟趁潮上清曉叩禪關入世原知拙逢僧始覺閒古榕
無歲月高座有江山津吏何須候登臨未遽還

花田

地舊傳爲南漢
陸官人處

此間端合葬傾城羅綺春風歲幾更買得奇花香滿載輕
舟偏愛逆風行

歸舟即事

微風吹浪皺鞞紋閒倚篷牕又夕曛石不依山方自拔水
都入海更何分酒筩醉折青荷葉詩句狂書白練裙尚有
荔枝緣未了可無回首望南雲

德安道中

路僻稀行跡天寒日易斜亂山嵌古寺獨樹表人家藤蔓
丹砂實蕃田白雪花清泉亭好在誰爲細烹茶

舒城早發

郵程數遍畫烏亭落葉聲寒帶馱鈴江北剩看衰草白夢
中偏覺故山青文章入世終何用造物於人祇役形歸計

依然無著處可堪雙鬢欲星星

晚行合肥道中

江南多青山不肯度江北江北四望惟平沙衰草寒雲莽
一色草間狐兔縱復橫餓馬摩雲時有聲安得彎弓作霹
靂割鮮野饗傾玉瓶自笑人生坐談客豪語雷能洗酸骨
天寒兀兀垂車帷睡醒鼻涕長一尺

濠梁驛對月

仲言有佳句月映清淮流眼前何意見此景北戶乍啟清
光浮數行衰柳拂欹岸一天重露迷滄洲水波瀲灩月上
下恍惚華子之岡頭長淮北岸更何有蒼烟茫茫寒不收

烟中參差楚山小時見碧火明漁舟人生何事多幽憂清
景可以銷百愁夜深更欲弄鐵笛一聲喚醒魚龍眸

宿州道中大風

北風撲人猛如虎打面飛沙作黃雨連天柏樹雲陰昏捲
地驚蓬雪花舞凍鳥瑟縮飛不高相呼下豕霜田蒿客行
惘饑未遑食吟詩亦復同烏號敝裘兩重薄如紙車帷坐
擁一團水後來我僕噤不言據鞍凌兢欲墮指十年奔走
游江湖愁風愁水何日無只今階土淮西道却被狂風險
吹倒符離城外古隋堤無復垂楊絆馬蹄久甘退鷁隨風
勢尚作飛鴻印雪泥客中惟憶故園樂射眼朝暉明紙闌

百錢布被暖有餘何用多金設軟脚

發宿州二鼓至桃山驛

釀雪天重陰低欲壓山頂荒郊生暮寒前村忽已暝人家
閉門早隙處漏燈影時聞烟際聲夜春出閭井缺月出不
高萬象愈淒冷風聲猶在耳霜氣已入衽投宿未遑餐倦
極思覓枕頗羨田舍翁歲豐收十頃安知行路難飽食事
甘寢却笑沐猴兒夜行詫衣錦

謁包孝肅祠

祠旁有池寬數畝
夏月荷花甚盛

曠野霜威殺物新遺祠凜凜傍城闈生逢慶厯能容直死
作閻羅倘是真此水冷如當日面無花空薦路旁蘋報公

一博河清笑嶺海謳思尚有人

次韻何芟亭明經

文煥

盆梅初放招友宴集因憶西

谿詩二首西谿君家居探梅處也

何南陵人

何郎不借粉光勻詩思西谿特地新夢裏未忘千樹雪客
來聊對一枝春莫愁古幹終成鐵但著疏花便絕塵珍重
題箋勤索笑好將遺憾補騷人

我亦相思到草堂醉吟寒囀興清狂籬邊月落春留影溪
上冰開水有香花信幾曾逢驛使酒徒空復覓高陽他年
訪爾梅根冶淨洗鉛華對淡粧

雪後偕友人登陶然亭歸至黑窰廠眺望

長安百萬家寒雪壓春夢朝陽蒸瓦簷升氣如飯甕六街
三巷泥沒甬曠野獨保瑛瓊瑤軟紅不到見眞素一徑碾
入輪聲銷危亭木末殊縹緲百尺陵寒更幽悄棲鳥怪客
噤復號片黑驚翻點空小長空極目黏疏林凍雲沍合天
沈沈西山參差出復沒素膚隱映羅帷深憑軒不恤朝飢
急笑談已把紅霞吸坐覺江湖遯思生回看臺榭清光溼
吾儕慣耐窮冬寒况復韶景回暄妍春日春人尚無影此
段惟宜酒人領諸君興高堪一石我亦陶然岸輕幘憶從
除夕連燈宵作伴翩翩已三白莫惜新豐價十千行看高
廩禾三百君不見前年九日登高處葭葦蕭蕭響秋路高

低邱埳尚眼前不覺馳駒暗中度平生屈指歡千場如許
清游亦有數身閒一味作詩忙火急追摹恐遲誤

游萬柳堂

廉園何怪地傳疑

元廉希憲萬柳堂相傳在右安門外已莫詳其處矣國老風流轉

盼移碧水春風猶野外綺堂晴翠想當時

徐東海萬柳堂詩綺堂晴翠千

峯太平多暇游能數入宰相憐才事可思蘋葉荒蕪魚子

少沙鷗應亦恨來遲

苔痕漠漠荻芽肥無復垂竿坐釣磯高柳已隨人去盡閒

雲猶共鳥爭飛危樓山色迎朝爽破寺鐘聲戀夕暉莫道

新栽林樹小綠陰終解罩春衣

時朱莖雲處士補種柳五百株

古風二首寄韓桂舫中丞粵東

丹荔有佳實宜薦白玉盤時至自馥烈含津解渴煩豈無
桃與杏大雅固所難風味本自殊匪獨致之艱嶺海雖云
遙恩光通上闕三載隔烟雨傾思令人癡植梨不可口棄
置雜蒯菅託契諒有在相勸加朝餐

炎洲生翡翠翱翔珠樹林粲粲刷毛羽咬咬流好音檳榔
匪無柯椰葉匪無陰託身貴得所羨此南飛禽百尺雖可
庇萬里難自致會合當有時何用悲鍛翅鵬鷗各異天腐
鼠非所志

送客西郊歸過天圍寺

何處濃陰可繫驂。盧溝垂柳正毵毵。一麾出守看人慣。半
偈隨身遇佛參。閱世誰如無縫塔。捫心惟有未抽簪。圓蒲
漫說浮生話。且假西牕對翠嵐。

題葉雲潭

紹本

編修白鶴山房詩集即東

吳興山水窟。佳處惜未到。應有恢奇人。天境窮曠粵夫君。

昔未遇束髮。已名噪青箱。湧淵源。

尊甫聞訑先生著
有慎餘壘詩鈔

白裕

恣嘯傲汀洲。采夫容馨香滿。衿袵裂金闈。既通籍玉節。還建

纛。健筆陵江山。英聲起紵縞。即此冰雪文。少作驚蜚。老昨

來。忽投贈珍重。獲玠瑁。顧渚茗始芽。下若酒如膏。芬將麝

牙齒。快勝爬疥。瘡天風吹空林。落葉不可掃。晨興手茲編。

清聲息羣噪山水此方滋卧游得先導東華十丈塵眯眼
已成眊騷壇久寂寞大雅吁可悼庶幾淡蕩人同志違俗
好行看樹赤幟烟雲供號召賤子注蟲魚六藝未深造時
方治毛勤思附盤敦陋邦等曹部微吟託郵筒瓊瑤愧非
詩爾雅報

朱仁齋民部九日招飲看菊壁上有令叔蘭坡編修

蘭臯孝廉

澧

詩民部屬賦一篇並東編修孝廉二

君

曾中大廈何時償眼底華屋誰能常不如種花百株園一
畝塵土眯人復何有此間未到心先知却喜今朝落君手

落君手邀我題君家大阮殊不癡壁上落落黏新詩東舍
同君隔牆住

謂蘭坡

花裏關門任來去自誇早起先唳鴉百

市行吟傍園樹我家破屋才三間街頭相距無數屢屐馬
還君日徒步昕夕可以相往還連日秋聲落窗紙婦病兒
嗷惱人死著書兀兀罷作詩興發因君不能止已愛牆陰
數竿竹况復繞庭植黃菊開筵九日無雨風主人方閒客
不俗可惜主人行把麾後來看花知屬誰况我情懷苦寥
落三徑就荒無計歸趁君未行與君約排日圍爐接春酌
吾儕聚散初何常相逢且門樽前樂君不見故林巢鳥各
分飛數客思吳一思蜀

孝廉本吾邑人
僑居四川巴縣

求是堂詩集卷十三

道山集

涇縣 胡承拱 墨莊

余孝女詩

女名酉州四川崇慶州人父以事繫獄母赴闕訟
及歸道病死父遂遣戍女時始孩依祖父母以活
至是年十有一痛其父之不反祖父母病且老無
人侍養泣丐其舅某攜之間關至京師訴於朝
有 詔立釋其父

子規夜叫千山血父戍不歸兮母長別兒生嬰媿兮才數
月解一兒不識父與母兮恃有翁與姥兒恃翁姥兮翁姥安

怙上蒼天兮下黃土四無依兮零丁孤苦

二解

江流滔滔兮

父終不歸兒齒已毀兮重親日衰側身東望兮肝腸摧

三解

人言蜀道難儂道長安邇欲呼蒼天兮敢憚死攜兒者誰

兒舅氏泉濺濺兮石齒齒前往往兮後青兕驚奔而相避

兮避此十一垂髻弱女子

四解

手搯搯攀天闔雞鳴一歌天

已聞吾

皇仁德邁漢文金雞立下還爾親

五解

君不見麗娥親叔先

雒飢蛟可餌虎可縛豈有父罪不可釋

施灼切

嗚呼壯夫不

如女子弱即今莫道生女惡

六解

雪夜同人集魯服齋

垂紳

編修寓次東坡聚星堂禁

體詩韻

三館校書如掃葉歸途已積漫街雪天寒晷短行罷休女
病妻號坐愁絕凌兢瘦僕履欲穿篤促良朋簡重折深窗
猶訝燈光搖閉門且任車轍滅戰急風威虎初吼詩成筆
力鯨可掣惟將冰淨藏胸襟不借酒紅覆面纈山陰挈舟
興尚慵洛陽掃門意詎屑過眼烟雲蒼狗幻回頭歲月飛
鳥瞥半條燭在須盡歡萬戶衣單向誰說吾儕冷落何足
悲吐氣猶銷布衾鐵

後十日復雪同人集何弼甫

彤然

編修寓復次前韻

歡餘有似風墮葉事往更如鴻印雪恰逢十日相招邀酒

債詩逋兩忙絕我來早令坐席溫公等遲疑展齒折新篇
案上騰墨光舊積牆陰成泡滅高燒炭獸敵寒噤穩押簾
犀任風掣衝泥已辦擎履箱行酤何妨溼衣纈判教歲事
如芥絲且聽談言落霏屑今宵冷結堆瓏玲明日春融去
飄瞥天情寒燠誰復知人事合離那堪說

是日程次坡陳
潼溪以事不至

君看滑達六街泥碾盡輪蹄幾州鐵

次韻魯服齋以尊甫生日感懷詩索和

囊粟東方本善諧却緣負米憶天涯夢雖境幻歸終好詩
到情真語自佳千里浮雲勞盼望百年長日易推排因君
更觸臯魚淚何日方申誓墓懷

送家研農觀察稷之任江蘇

官到江南便有情況兼晝日錦衣行登山久識邛崃險

君舊

官川東道飲水惟憐建業清一絹家風開篋看

尊甫曾任江右觀察

六朝

詩思捲簾生新亭舊院曾題句好向紗籠覓姓名

消寒雜詠

斗室寒能辟垂垂率地長動搖犀押響留貯鳴爐香舊物

防祛篋穹廬想擅場却嫌深閉置三日令人狂

氈簾

布被藤牀外從添韻事誇光能欺柳絮夢不離梅花曉捲

連書幌宵支借畫叉嬌兒曾惡卧踏裂一痕斜

紙帳

詎有頭綱賜聊回舌本甘酒人輸大戶家具剩都籃活火

煩妻俛樵蘇供客談只愁終夜醒無夢到江南

煎茶

盡日依綈几叢殘信手鈔蕪田宜火種鑿管費冰敲春帖
酬鄰乞冬烘藉石交十年元尚白無意解人嘲

炙硯

絕妙冰壺傳年年上食單生涯園地少身世甕天寬病久
虛中饋珍許敵大官故人書斷絕聊自勸加餐

醃菜

寒谷聞吹黍陽坡記種瓜果然開頃刻不必養萌芽天力
猶輸巧人情祇競奢獨憐巖桂冷未解門繁華

檐花

棐几小牕幽凝塵積寸留埋頭惟故紙潑眼勝新油鏡影
圓初嵌花枝薄欲浮何人戲窺戶吾室盡天游

玻璃紙

火作溫磨氣羹傳骨董名年光然桂盡世味夢梁輕團坐

全家共招邀近局成何須問殘芋吾自斷吾生

惜樹爐

何紹甫三十初度

一夢霓裳歲月遷只君三十尚華年能令沈范同傾倒肯
與王盧角後先御柳詩篇藏篋裏官梅消息到尊前食單
自付門生議不用虛誇費萬錢

家山大好憶靈谿入洛才華髮乍齊次道合傾家釀供參

元聊借市廛樓

去年君寓舍燬于火

浮沈幾載依金馬定省他年祀

碧雞

尊甫官滇南州牧

記否慈恩高塔上姓名猶是阿孩題

何須奔走苦勞形瓦卜筵占枉乞靈直到公卿頭尚黑儘
耽編簡汗終青曲中靜聽歌金縷花下狂呼倒玉瓶任使

揚雄猶執戟莫因雨立羨諸伶

簡點蘭盟有所思七年我亦長微之

見白樂天集

雞豚冷局尋

常共獲鶴移文報復遲休愛東陽雌霓句

予不喜作試帖詩偶作輒爲君

所賞且邀崇敬牡丹期頭銜一例神仙籍黃髮青山究屬誰

團扇曲爲家玉鏤孝廉賦

皎皎天上月團團手中扇月影那如扇影圓扇邊恰覩芳
姿面誰家良夜洞房開新婦當筵拜客回別有青衣擎燭
侍居然紅杏出牆來客中杜牧情無奈忽發狂言驚滿座
楊柳堪爲鶯鶯棲蓮花肯使淤泥浣此時含笑獨鍾情此
際盈盈已目成便隔短屏盟息壤贈將圓扇當坤靈蘇姑

好夢何容易，鶯聽風波起。平地郭璞空，拋赤豆符羅敷。早
有紅絲繫，可憐花好是重儻。欲嫁東風，難自媒。主人只愛
金縷篋，薄倖先輸玉鏡臺。漫言墮餽，無全理在山百折終
清水。錦瑟能令商隱憐，玉簫甘爲韋郎死。薄命真疑是落
花。一番蕉萃委塵沙，柔腸已共機聲斷。淚面難將扇影遮。
綠碎紅摧，休苦怨世間。尚有回心院，寒帷真個欲銷魂。對
酒猶應喚如願，依然璧月照鴛樓。飛墮懷中不用梯，取將
紈扇分明在。費盡羅巾宛轉啼。蕭郎固是牽情重，此段纏
綿信人種。一枝只合倚雲栽，萬卷聊將當書擁。生香活色
想嫣然，芍藥豐臺也可憐。篋中尚有班姬製，莫使秋風嘆

棄捐

君先已買
妾京師

臘月八日劉錦門世標縣尉饋冬筍

殘年事事動鄉心
鄉味蟠胸更不禁
久客半牀思煮蕢
故人一束抵兼金
風前糜粥香先透
雪後園林夢欲尋
他日天涯倘相見
可無千畝擴吾襟

時君將謁
選出都

贈張阮林聽咸孝廉

廣眉高髻逐時新
閉戶知君不染塵
獨抱膏肓成左癖

注君

有左傳
辨杜更拈香辦拜經神
名山有約應千古
陸海論交竟

幾人料理剛書須
互勘移家何日作
比鄰

前將移寓與君
近既而不果

贈家竹村培孝廉

何論四海與彌天獨抱冬心守一編大雅材堪芸閣選小

同經本禮堂傳

令祖樸齋先生熟精三禮君具有家學

公車嬾削三千牘行

篋常攜十七篇爲問蘇湖二齋後家風誰克繼前賢

送星子令鄭夢白同年

白髮催年少緇塵變舊顏因君話疇昔令我夢匡山宦味
烟雲釀詩情草木閒何緣託飛舄竟渡落星灣

把酒一爲別將詩重贈行多情量帶減無物壓裝輕春水
園彭澤青山擁郡城樵風如有便時爲寄賢聲

送劉縣尉之任貴州

裘馬少年場翩翩馬上郎十年客京雒一障去殊方苗市

燒蘆酒居人拜竹王莫嫌棲枳棘神劍詎終藏

朱蘭坡編修招同看花城西諸寺歸飲寓園次東坡

和李公擇梅花詩韻

春光纔過半念此怵欲動日月如兩丸不堪供撮弄高枝
英已繁荒徑地猶凍物理誰能齊靜觀息羣鬩故人念我
寂良游戒騎從心隨鐘梵清目與雲鳥縱古佛不拈花無
言學翁仲踏青例有詩歲作蓮座貢陳迹不可尋流光倍
堪重日午行歸休園花引禽哢迎人競含笑不飲慮遭諷
賭拳快技癢截餅忘齒痛萬點隨風飄稍遲積成雍年來
困塵土梨雲不同夢一枝楠未安名花那暇種猶賴素心

人時時接吟鞞細數十年中何翅百回共難隨浩蕩鷗且
依觚稜鳳海棠高作巢丁香密成洞爲囑春少留還來卧
抱甕

立夏後一日同人集尺五莊

幾年不踏城南路手種楊枝已成樹城頭日日揚風沙捲
盡飛花并飛絮溪流滙處饒清陰初日已透幽篁林並階
紅藥半開放被徑綠莎時淺深後先踵至雜賓主啼鳥窺
人幾回數解衣掛樹驂繫扉拂面游絲細縷縷每逢水竹
生清新煮茶燒筍皆可人不覺簷前轉白日祇疑世上猶
青春興酣書畫一時作數人據案羣跂脚相看各欲騰龍

蛇此間本自成邱壑一技專門亦足傳百年幾輩能行樂
憑軒百感來蒼茫園林易主池臺荒何況漂萍落人海風
前聚散誰能詳城鎗催歸行復止畢竟山林勝朝市君不
見城中槐榆枯欲死此間尚有藤花紫

朱節婦詩

庭前種蓼後種茶誰其食者婦與姑姑無夫子亦殂婦無
夫嗣藐孤熒熒兩世皆孀嫗姑飢待婦舖姑痿恃婦扶夏
炎就陰冬就爐賢哉婦真影響如廿年不忍離須臾姑何
腴婦何癯姑髮未變婦髓枯入房進盥仆復蘇熒熒血淚
沾襟襦貞魂渺矣目猶視事姑未終身已死嗚呼蒼天竟

如此

萊州傅翁百歲歌

世人何必求神仙披裘帶索可以全其天况復平生有至幸

四朝盡值昇平年大勞小勞東海邊蓬萊清淺在眼前偶然策杖試游戲觀者定疑松喬與偓佺吳興沈郎不解事史筆無端志符瑞豈知星雲麟鳳非禎祥人間自有真靈異君不見傅家百歲翁不服金丹不導引至今鬚眉如雪顏如童

朝雨齋中獨坐

一雨萬氛屏澹然生靜心庭樹翳朝景几席羅清陰坐久
愈蕭瑟滴滴葉上音車馬寂不來始覺門巷深十旬困炎
早端憂渺難任渴煩一以解爽氣浮前襟晴途尚嬾出况
此淤泥侵心空篆烟繞念息齋磬沉古人滿青史散帙聊
相尋

雪夜紉兒圖爲蘭坡賦

元雲沉沉低古屋曲巷燈光大如粟中有紉兒借宿人祇
緣爺病妨兒哭從此兒啼爺不聞隣雞聲裏往來頻當時
爛睡投懷暖詎識慈親手足駮槎枒枯樹門邊直生子寄
巢空格磔染盡啼鵲口血痕積雪模糊不能白可憐三月

成孤雞不眠依舊勤宵哺殘燈耿壁雪灑牖每聽啼聲清
淚枯羅今已化梧岡鳳却憶南枝更忌痛風雪天涯久倚
問玉堂夜夜牽歸夢一回展卷一潸然往事淒涼滿目前
燕山十月風如箭那及圖中特地寒

謝家孝廉竹村乞王子卿侍御寫春山圖見贈並柬
侍御

一重春雲一重樹綠白縈青莽回互就中點破蒼苔斑人
在溪山最深處靜聽飛泉疑有聲細看峭壁愁無路太清
御史乘花驄偶搖霜筆回春風浮嵐訣得大癡妙疊嶂陰
思小謝工翠螺白紵恍在眼除却江南無此峰

侍御家
蕪湖我

家敬亭雲君家大障麓

竹村近以三天子都考見示謂即君鄉大障山云

相逢同

訂山水經架上奇書互抽讀
竭來移贈一幅藤恍如坐我
奇峰三十六衣上何妨塵土
緇夢中各有家山綠人生豈
必爲蕤醴茶筍春山好荷鋤
絕頂茅亭如共縛與君常看
翠屏圖

酬張孝廉辱贈之作

青袍何必誤儒生讀罷新詩見古情
祇惜無人知賈誼謾
勞有道望陽城眼前流水隨行止
身外浮雲豈重輕他日
印須終有屬論心杯酒且同傾

晨起至法源寺訪王太守秋池

允楚

同年即送其曹

往雄縣

雨歇生早涼秋光滿西郭寺門深且寂綠樹捲油幕齋磬
隔院沈佛香上衣著故人濟時彥瀟灑脫塵縛暫緩懷郡
符精廬此棲託習靜觀朝華賦吟和宵鐸使材稱屐履藏
用歛銚鏐即此悟治理清風滌煩燻昔政懷鳴琴今猷企
卧閣如何磊砢松羌獨愛檇柞清言契如蘭醇味和以芍
偶從桑下游愧乏霞上作相期更有在談藝且爲樂僧房
看打包近游試腰脚燕南美風景碧淀鏡光鑠夕照開筇
箸殘煙帶略徇射息絃竹弓拾蟹躡芒屨今夏屯甘膏三
輔困炎灼水鄉獨無急稻田行可獲長堤送矯鷗廣場聽

喧雀豈惟陶物情兼用識民瘼而我懷友心秋深感搖落
西山空爽氣北海闕疏酌行行速來歸黃花有佳約

題李蘭卿

彥章

舍人薇垣歸娶圖

山抹微雲舊擅場繞牀曾弄荔枝香劉郎漫說天台路九
曲仙山好壻鄉

子晉吹笙上玉京藍橋遲爾見雲英祇緣一席紅綾餽羸
得寒多翠被生

雙烟一氣博山霞新月穿簾蕩影斜淺碧籠裙深紺袖夜
闌疑對紫薇花

簪毫收拾鳳池劄歸掃春山看曉妝恠底羣鷗皆粉色勝

他七十二鴛鴦

粉鷗見
閩小紀

韓桂舫中丞入覲辱示詩稿即次集中見寄原韻二

首題後

問訊歸朝節天南得報書待迂嚴尹騎還掃子雲居劔珮
隨阿鳳詩篇掣海魚平生數知舊歲晏孰華予

每懷湛露罷還切望雲心折柳聞高調攀棠想舊陰清秋
搔首短元氣沁脾深却笑東山客徒工擁鼻吟

贈李刺史元方

苞

瑣骨珊珊老更道三刀舊夢在邊州縈雲路入青天細積
雪山連太白秋酒盞尚如蠶舍冷詩編長使故人留

君舊
任學

博又嘗輯
洪陽詩集
料應盡攬巴川勝不爲啼猿費劇愁

蠻童渝女繫謳思爲政風流譜竹枝頻見旄牛通塞外祇

騎羸馬到京師十年喻蜀猶留檄三輔探丸孰出奇時滑
縣賊

匪未
淨且與論文同把盞看君談笑却熊羆

題文姬教子圖

狐襟貉袖貂襜褕風沙撲蔽容顏殊賢王會獵未歸帳鴟
鵂哺子羣相呼寄書那得託鴻雁上山何處尋薜蘿生兒
胡中作胡語教兒長大須記取呼韓受漢恩最深慎莫彎
弓伺月午早被蛾眉累此身欲占馬角誰爲主何意黃金
贖阿瞞棄兒從此隔天山荆棘那能問故里薦蘿聊復託

新歡自拚薄命千回折始信人生一死難亂世多才真不
偶流落摧殘常八九王粲登樓祇自傷禰衡觸網將誰咎
可憐漂泊到閩中阿父賜書空在口由來漆室歎葵傷恤
緯何人燕處堂生向烏孫弔公主死留青塚恨玉嬌已把
琵琶助哀怨胡笳况復吹伊涼離鷺別鵠滿天地

劉商胡笳曲序

曰文姬善琴能爲
離鷺別鵠之操

一曲將雛應斷腸

送孫平叔

爾準

太守之任福建

才名十載動公卿銅虎威儀憶漢京報國文章充廣內傳
家節鉞在邊城承明惜未留嚴助宣室知當召賈生
聖代况今崇吏治觚稜回首漫含情

蓬壺留印雪鴻飛仙客還鄉稱錦衣上豕輪輿銷旅夢渡
江梅柳逐春歸冰融蠶瀆揩明鏡烟繞龍山溼翠微多少
人間霖雨事未容輕易拂魚磯

寧帷風俗問無諸攬轡山川入壯圖見說張嬰猶有壘

時泉

州府有以築秦拒捕上控者

早逢廉范豈無襦雲開畫見臨厓石潮滿

宵還合浦珠飽啖荔枝三百顆不須料理橘洲奴

如雲冠蓋自駢闐臭味苔岑託宿緣末契獨酣公瑾酒同
盟羣讓祖生鞭晨星我輩思他日零雨君家感曩篇咫尺
浮槎通碧漢循聲早晚遣書傳

何仙槎

渡漢

編修臘月望雪次東坡臘日游孤山詩

韻率和一首

幾兩屐一曲湖人生此願能償無淳于漫誇稷下辨孔賓
已聽臆前呼杜陵坐歎隨妻孥聊以文字相嬉娛吟詩只
似候蟲叫作書慣學秋蛇紆何郎昨直承明廬徘徊清景
不可孤劇望飛雲潤麩麥那恤急覈凋菰蒲與酣落筆排
千夫朝飢不覺時將哺胸中一字不堪煮始知痛飲真良
圖殘膏丐我如有餘瑕邱之樂應共蘧門前歲莫無催逋
黃庭爲我閒臨摹

時以素紙索
君書小冊

夜坐有感復次前韻寄仙槎

田變海城爲湖白衣蒼狗何事無北叟獨能識倚伏東降

老十三
且任喧歌呼盤中割肉歸遺孥空囊無粟猶自娛視北田
荒偶亦熟終南徑捷時還紆蚓壤有食蝸有廬屹足自衆
夔自孤與俗推移亦大好獨難屈曲如葦蒲有時著論名
潛夫據梧兀兀忘夕晡何人急裝正作健坐談毋乃羞壯
圖畿南數縣兵燹餘采樵幾及城東遠曷不執戟追亡逋
須眉要使陵烟摹

送李元方刺史之任霑益州

萬里青蛉道君今擁傳過亂山圍覺爽春水下牂柯叩竹
原通蜀諸生舊姓何如逢洞簫客樂職諧聲歌

意外聯親串殘年惜解攜滇花應早放燕柳尚無稊古峒

人騎象叢祠歲卜雞相思何處寄明月石梁西

仙槎招飲厲齋仍次前韻

我家三江君五湖烟波佳處天下無
竭來燕市困塵土牛從馬走隨人呼
太倉日糴愁妻孥不及腐史攜清娛
飢腸一飽輒思逞快吐胸膈消鬱紆
城西僻處君所廬祭竈請隣德不孤
相呼賭酒浮大白豈羨百萬投樗蒲
我逢杯杓成懦夫亦能堅坐逾斜晡
平生志願苦蕭瑟只今溫飽爲先圖
醉歸殘燭留寸餘北風吹破簾編籬
未妨急遞催詩逋壺盧依樣還堪摹

除夕前三日招同人集飲寄藤軒四次前韻

汎郭澣浮江湖雙鳧乘鴈有若無魚游同隊慣相逐鹿鳴
得食聊相呼良朋絕勝妻與孥坐令愁寂成歡娛清冰更
借玉壺映直弦尚覺朱絲紆滄海一粟容吾廬更長燭明
不可孤少陵句論文把酒且爲樂飢盤况有荀及蒲華堂鼎
食羅千夫哀絲豪竹連夕晡何如素心聚三五百錢一醉
皆可圖鳶鷗不用嚇腐餘玉堂天上原遼遼今夕何夕慎
勿逋山公倒載人思慕

問張阮林疾不遇

神馬尻輪孰是非祇餐風露詎能肥
耽書已中膏肓疾閉戶還藏怡
蹙機春日情懷偏淡漠故人咫尺有睽違
年來

我亦幽憂甚擬買焦桐學手揮

題吳柳門

文炳

孝廉同年詩集

倚桂仙人慣不眠騎驢重踏薊門烟揮毫對客仍干首岐
路憐君已十年襟上漬痕春酒醜篋中銅鞮土花鮮

君所蓄古

錢甚夥

弓衣蠻繡知他日珍重牛腰束筍編

壯歲幽懷感百端豈徒零落憶詩壇欲拋心力從餘事難
向風塵覓古歡明月半庭和水靜花枝低戶避春寒何當
共作南皮會商略才人到建安

為董小榼同年題秋燈對讀書圖

君家兄弟皆能文空山讀書聲切雲一燈如豆久相對打

窗落葉秋紛紛青桐花開歲幾度長離雙翔拂雲路三年
藜閣分夜光一夕令原悴朝露與君兄弟情最親相看並
立長松身黃壚痛飲只君共回頭十載長安塵君弟柳江
歿十年矣
披圖示我淚沾臆往日對床曾歎息風雨合散不可知此
樂他年恐難得眼中山色尚依然夢裏池塘那堪憶人生
哀樂誰能裁吾兄七十尤摧頹少小相從讀書處短檠墻
角埋秋苔頭白何時歸去來

讀洪孟慈

節孫

孝廉詩集因憶其尊人北江先生

仙客騎鯨竟不回鳳毛還屬出羣才期君豈止傳家集愧
我曾攀注雅臺

先生在日曾以拙著爾雅古義就質

萬里江山尋舊跡一囊

烟月貯新裁東風又遞看花信遲爾金釵頂上來

白丁香花

淨洗鉛華著素粧小園猶足冠羣芳千苞婀娜春無力一
樹瓊瓏夜有光淡到梨雲同入夢碎如柳絮却飛香餘陰
亦合栽章乞莫只關心護海棠

藐姑仙子出塵姿翠羽明璫故故垂小玉爲釵攢髻鬢香
塵如屑步輕肌愁心悄對芭蕉捲春色微通豈蕊枝遮莫
中庭涼似水滿身清露立多時

杏花

曲江回首隔前塵淡粉輕烟望未真沙路嫩寒沽酒店晝

欄微雨倚樓人不妨梅子餘酸味

陸佃云梅至北方多變成杏

已讓桃

花占早春

京師桃花開時比杏花較早

誰似多情虞閨老紅雲長映白

頭新

求是堂詩集卷十四

銷寒集

涇縣 胡承珙 墨莊

宣德醮壇銅盞歌爲董琴南

國華 編修賦

非盃非筭形橢圓土花赤駁聲鏗然董侯云是醮壇盞底
窪深刻宣德年聖孫英武類成祖每笑秦漢求神仙長生
服食不足道豈必旦夕祠甘泉却觀盞質致完好輪郭耳
足無刊鐫得非寶藏被焚後五金一冶重鎔煎特頒內椽
製諸器一十二火光騰躔因思承平富物力尚方工作皆
精堅難缸象鬲重款識

吳梅村以難缸爲宣密又宣
鐘有象鬲式見柳南隨筆

至今

好事猶稱宣當時勵精在朝宁三楊蹇夏相比肩作事都

能計長久非徒粉飾偷目前逸巡季世成隋窟濫惡乃及

青銅錢

崇禎間京師九門皆設柙曰收毀私錢

一物已足觀世變摩抄銅狄

何殊焉即今想像舊藏處廣寒清暑深淵蛭流傳幾度落
人世坐與歲月同推遷可憐冶鑄好工手北施南蔡知誰
先蕭齋得此亦清供且與煮茗焚龍涎

謝向亭

階樹

編修出示所著宜黃竹枝詞即題其後

翰林百廿首新詩拉雜鄉音絕妙詞越客休誇聖湖景宜
山何處不相宜

豫章一記擅清新博物羣推雷什倫兩地雞籠山色好著

書還是聽雞人

宋雷次宗嘗開館於建業雞籠山下君家居讀書處亦名雞籠山故有中宵原有聽

雞人句

誰道臨川逸永嘉祇應屐齒欠梳爬千秋重補游山志畢

竟風流屬謝家

宜黃宋屬臨川郡謝靈運爲臨川內史史言其在郡游放不異永嘉而臨川詩見集

中者甚少

落日寒雲欲暮天無端鄉思鎮相牽清冷江上聞歌後不

見昭亭又七年

漢志宛陵下有清水說文以爲冷水即吾鄉清弋江也予舊有清弋江櫂歌敬亭山

一名昭亭山

元祐黨籍碑

崇寧

一網盡清流猶賴寒巖片石留消長從來關數世姓

名到此計千秋隙開洛蜀成龍戰禍始熙豐失燕謀宵小

有才真不幸可憐孤負字銀鉤

黨魁涑水與眉山附麗何緣幸不刪執藝有人知直道貢
金無鼎鑄神姦竟干垂象天寧醉得共流芳石豈頑太息
慶元仍覆轍滄洲樵叟涕同潛

永樂大典有慶元黨禁一卷題曰滄洲樵叟撰

寶晉齋第二硯歌爲朱蘭坡侍講賦 并引

硯長六寸許廣半之五分其廣以爲厚面有池近
池刻兩已相背形其背有行書寶晉齋第二硯六
字左側有小字二行云此米氏亞硯亞即其名也
亦謂之欵硯後人仿之爲黼黻硯此石得之師林
池中寶物不終晦信然下署伯仁二字蓋文伯仁

字德承號五峯者明待詔徵仲先生從子也硯藏
蘭坡令兄靜齋侍郎所

寶晉齋中足奇器洞天一品工位置與人作硯石不辭
獨胡爲署第二老顛好事勤搜羅青州紅絲蓄必多太陽
坑石有何好乃取質堅理密宜研磨不知筆墨怕磨膾

見張

那基墨
莊漫錄

以此品題甲乙

甯無訛卻鐫一字其名亞名從主

人定珍物可堪璞玉知者希第二已上多淪沒

語出晉書
陸喜傳

塵埋苔蝕經幾年玉蝓別淚流涓涓中間豈入清閭閣不
爾何以師林池上騰紫烟文家羣從後來秀獲此猶結書
畫緣寫經繪佛踐妖夢

見快雪
堂漫錄

想應與爾常周旋吾儕夙

世謬詞客但解相從鬪詩格揭來呵硯墨瀋流水冷天寒
不須炙君家大陸什襲珍研山不啻逢嶙峋今夕傳觀獨
坦率不畏著唾遭嫌嗔始知當時刻畫有深意欲免趙璧
晚強秦君不見李揆恐被單于識諱說中朝第一人

冷謙蓬萊仙奕圖

神山蒼蒼隱烟霧瓊樓絳闕莽無數海水如聞汨沒聲楸
枰却指虛無路安期羨門知在亡秦漢之君竟不悟仙人
局上劫更急羸顛劉蹶那暇顧通神畢竟有高下護短能
無恣喜怒

昌黎詩乃知仙人未賢
聖護短憑愚邀我敬

祇應借此破無聊歲月

長閒苦難度風雨不知左股失星辰空向盤中駐可憐賺

得爛柯人骨肉成塵一朝暮奉常自是仙者流黃金可作
世可度即如妙畫亦通靈何事教人入藏庫酒罷一躍無
還時莫是潛來畫中佳即今蔓草碧雞坊好手如君不可
遇卷圖一笑且銜杯人生肯爲神仙誤

安化茶和陶雲汀

河前輩四首

歲朝才幾日醉飽令人息平生藜藿腸那慣牛羊躑亦有
書傳香羶腥肯教晚此時欲茗心渴虹赴滄海長安酒肉
地湯社幾人在祇應呼吾儕相與澆壘塊君家擅茗事紅
囊費揀采睡足時一甌氤氳契眞宰怪底新詩成隨風落

珠咳

君詩如茶烟無心吐層疊上言風土佳提筐徧臣妾下言

功用溥賦篋尉候接

西北互市賦
茶以篋計

庶幾勞者歌猶入貴人

取兼思操利權坐令諸部惛民生與國計瞭視如在睫苦

口請試嘗冷面不容爍豈屑著茶經但品槍與葉

資江吾未到波紋想激灩幾朶浮青山

山名見
九域志

倒影色如

染春風草木香詎獨蔭蘭占芽抽雷後驚旗展雨前霰吾

家近了山陽坡時在念誰云酪漿奴鄉味素屬饜燕市佳

者希千錢不盈襜遂令消渴疾湍沫費喁噉况懷鮠鮠嗜

舌乾不能齏二者去孰先熊魚或難兼甯斷長相思不辭

七盞醎

子性嗜葉子烟故借用鮠鼠食烟亦未數語見茶
餘客話所載韓蔡盧宗伯事姚旅露書云葉子烟

又名相
思草

昇平盛故事首宴開

重華雲龍小蒼璧分似古所呀官羊夢不識官焙望敢奢
惟當同夸者憐我斛二痕滿眼瀟湘春破睡思拜嘉舌在
倘知味詩情安足誇

爲錢衍石

儀吉

農部同年題其五世祖鶴菴先生畫

松

空山何時龍骨蛻一節專車覺車隘忽來堂上雲霧生見
是髯公百年畫石間屈鐵根鬱盤餘勢森然出紙外閉戶
著書君勿賦恐有琥珀夜深走光怪

爲吳蘭雪高梁舍人題文信國寄其先世架閣君手

札翁覃溪闡
學樞本

白雁南飛天水碧文山獨捧勤王檄灑涕登舟頓石前幕
府從來盛賓客永豐舊尉新溪吳奮袂參軍蝟髯礫銳師
却遣屯洪都枋國何人袒萬石事見劉岳申所撰文信國
傳較宋史爲詳札中有師

次於洪語正留夢炎當國令黃萬
石入衛以信國移屯隆興時也

三札殷勤正此時想見

運籌資擘畫儲胥常遣護風雲號令猶看走霹靂是時半
壁無東南除却舟中皆敵國梅州再出尤搶攘空坑一蹶
斷消息鯨波虎口劇間關知費寶條幾心力鄒鳳叔劉小
村鞏信蕭明會鳳
李梓發彭震羅開陳繼中齋附傳逾四十

如公名字猶沈淪天教湛輩不終沒幸留此札遺仍雲流
傳亦被六丁取蘭亭摹本猶有神舍人述德出相示令我
低徊念青史時平宰相貴求才勢急朝廷賴養士守官詎
復論崇卑合志何曾問生死當年此札三摩抄肯使平生
負知己君不見荒魂月黑歸西臺古血花紅照燕市

題蘭雪廬山紀游詩後

君家西江水我家南江流三天子都各占一山經水經費
冥搜千巖萬壑遙相望雲滅雲生各殊狀吳楚一氣迴蒼
茫競蟲青冥肯相讓我從丹竈尋軒皇忽然飛度三石梁
雲頭閣向最高頂仙夢一墮成渺茫君居鄉里不稱意抖

撒衣塵著山翠四海才名近卅年才爲山靈費清思君游
我游兩不知但見薜壁剝落多題詩前瞻萬萬古後來定
爲誰賞心寓目不相喻陳迹倏與浮雲馳吾儕雕刻苦肝
腎却恐尚被山靈欺別來幾載心猶戀翠壁丹崖付虛願
安得青松爲筆石爲硯倒曳飛泉作長練與君同坐千峯
頭嗟盡朝昏百千變君應輸我游興豪裏糧千里尋江臯
是時三十健腰脚超忽木杪先猿猱我却輸君得名早脫
口新詩付梨棗且喜荀公日下逢匱容庾信江關老篋中
有句今十年蠹魚飽食猶成仙與君尚復落塵海抱此區
區殊可憐君不見不廢江流日東注各有名山盍歸去

題蘭雪游武夷詩後即效其體

仙山樓閣常冥冥詩人搖筆天光青非絲非竹滿清聽仙
樂紙上聲泠泠天柱峯頭吾未到他年或有霓旌召清溪
九閭迴松風料理金箱鹿盧屨定把君詩作鄉導

雲汀前輩許憲安化茶不至用杜工部集五十七侍
御許攜酒過草堂詩韻奉簡

繡衣家醞何須倒蠟紙官封那得開正擬破除春晝倦可
容分遣好風來軻饑未免思新韭消渴能無望熟梅留取
奩中青橄欖要令諫味一時回

琴南編修招作銷寒第一集蘭坡侍講以疾不赴仍

寄一詩次韻答之

十年虛溷輒塵中，童鵠頻看化老翁。肯便心情歸貝葉，

是日

座中出菩提葉傳觀即以命題

聊因文字飲，卽筒幾人尚卧漳濱。

日循石

皆以疾不與會劉芙初編修時亦病足

此會猶餘鄴下風，留待牽連書姓字。

不須當世有揚雄。

菩提葉

一片秋蟬翼飛來，訶子林卽看虛淨。相如見妙明心海雨，染空色。天風搖碎音了知無樹意，多事費清吟。

擬李長吉北中寒

燕草霜濃碧絲斷，白沙碎碎枯蓬轉。天風衝動碣石根，瀚

海塵飛日輪短金爐獸燄埋冷灰吹殘鄒律暖不回易水
凝澌浪聲小春光何處黃金臺

擬溫飛卿塞寒行

塞山百丈騰蛇尾凍合胭脂不成紫層冰夜裂聲如雷飲
馬長城窟中水年年捲帳隨康居漢旗露溼晴不舒一陣
橫斜雁沒處雲黃沙白天有無都護都護玉關道三十六
國滿秋草龍雀刀頭幾個環坐使霜華鏡中老

寄懷雲汀漕使揚州

聞道青天轉粟難繡衣晨夕犯霜寒從教

國計饒紅腐倍使吾儕愧素餐十里珠簾希復見一江春

水獨相干信知財力東南倚長久還須策治安

酒伴當筵話合離邀題人日草堂詩租船明月誰高詠官

閣梅花正好時釀雪光陰虛久望

時京師一冬無雪

煮茶風味費

相思天涯剩有朋尊樂青渚歸艤莫遺遲

爲陳石士

用光

前輩題高山流水硯云是姚姬傅先

生所贈物

良工斲材山水窟元雲沈沈光滑笏扣之斑管含清音宛
似枯桐響飄忽怪君無端什襲藏重是惜抱軒中物惜抱
老人君本師輟贈當年手頻拂堅貞交道耐長久緝密文
章露風骨只今魯殿傾靈光此石應成口中闕平生我亦

感知己膏馥陶泓正思乞秋風千里秣陵書坐使音微聞

存沒

去秋君見示姬傳先生所寄書中道及賤名有真讀書人之目予有媿其言方致書請益而先生已歸道

山

爲君摩挲三歎息耆舊風流盡彫歇

近日程君疇徵士段茂堂大令皆相

世

但令對此重移情獨不見山林杳冥水汨沒

陳章侯畫鷹

誰能畫鷹如畫馬顛視清高意閑雅青天萬里明纖豪一
擊翩然肯輕下酒酣落拓陳章侯濡筆淋漓淚潛寫巖山
絕粒漳浦死勁氣森森見應寡當時贗本多流傳且將掛
壁驚烏鳶真骨亦復愁拘攣杜陵冷客漫相笑未易搏空
上九天

送黃霽青

安濤

編修典試貴州

滿眼浮雲送客時
此行天似爲昌詩
開通五尺途非舊
歷盡千山氣始奇
鏤管采風苗女曲
篝燈聽雨竹郎祠
三年例折青門柳
獨有光華照路歧

待把夫容上玉京
漫緣幽思緩王程
黔巖草木秋無影
楚澤魚龍夜有聲
近局暫停河朔飲
君方約爲道暑之會以行不果
清時休問水西兵
文章自是吾徒事
料理平生報

國情

題白將軍戎裝畫像

并引

將軍白姓名雲上
字秋齋河內人以武進士任平

望都司受知陳榕門相國游升金山營叅將在揚
州救火振饑皆有功士民德之嘉慶十三年入祀

名宦祠

高冠長劔纓曼胡英姿颯爽森麤須却觀氣韻文而儒白
將軍者真丈夫當年殺賊長蕩湖扁舟夜夜懸頭顱動如
快鶻靜如女腹中所寶榕門書陽春有腳安能駐片帆又
向邗溝渡萬福威名草木知張遼姓氏兒童怖誰能戢火
如戢兵將軍見火身益輕入火奪火所燬屋祝融吳回不
敢爭誰能救饑如救焚將軍旱澇籌米薪急裝羞殺坐談
客始知大勇由于仁時平坐長英雄髀生不封侯身老英

獨有心肝奉

至尊贏得循聲入青史人生端合死揚州禪智山光照祠
祀披圖令我增歎吁淮南淮北今何如歌哭猶聞竹西路
勲名何必陵烟樵誠知草竊尋常有祇惜花卿絕世無

琅琊臺秦二世石刻

秦人遇民若芟草海上之石猶可危神鞭所驅血流赤餘
者盡用鑄諛辭墜星裂地祖龍死當璧可笑貽織兒東行
於海擁萬騎詔書重刻誇餘威成功盛德乃如此神歇靈
繹海水飛羣臣從官昧死請珥筆定出丞相斯君驂已夢
白虎齧臣手難牽黃犬馳那及頑姿耐長久怪雨洗刺盲

風吹薜荔鉤衣鬼母哭海枯幾見三山歛年深已足驕員

鼠地僻幸未遭佛狸

嶧山秦碑爲魏太武所仆見封演開見記

校官擴本使者

訪

阮芸臺先生督學山東始訪得此刻

八十六字存幾希矯誣之辭天所棄

豈有神物相護持或者小篆入神妙精靈盤攫成蛟螭神

洲

在瑯琊臺

光恠奪秦月夜夜照映荒山陞書生胸中過秦

論對此頓欲傾權奇安得越臺懷古一長嘯快覩海天搖

蕩青玻璃

琴南編修席上賦九寒詩各一首

穹廬如蓋莫天橫淡墨濃烟畫不成大漠四圍涵雪影長
空一片走風聲烘殘夕照光難透歛盡奇峰意已平莫道

無心虛出岫護霜知悶幾陰晴

寒雲

木落天高夜氣森冰輪孤湧衆星沉
盧龍塞外千堆雪丹鳳城中萬戶砧
大地山河經凍合南飛烏鵲抱枝瘡
瓊樓

玉宇空言好誰識姮娥耐冷心

寒月

朔風吹字一行斜聞道寒門舊有家
千里星霜新客路十年雲水冷生涯
離襪影襯蘆中士嗚咽聲暮塞上笳
畢竟

衡陽春信準歸飛剛及草初芽

寒雁

幾隊渾如趁馬蹏城東朝見暮城西
平蕪點黑濃霜滿側翅微明夕照低
燕草場空何處啄秦樓燈暗盡情啼
五陵年少饒金彈揀徧寒枝莫漫棲

寒鴉

綠陰繫馬記吾曾對此婆娑百感增
飛絮前身原似雪攀條舊淚又成冰
烟荒驛路知誰過月靜粧樓怯更憑
最是懷人搖落後離情寒思兩難勝

寒柳

蕭瑟園林一望中修篁獨自倚牆東
叢深密霰喧饑雀葉老殘符蛻蠹蟲
翠裊有人憐薄莫青鸞無信寄長空
遙知松菊荒三徑歲晚前盟孰與同

寒竹

何處豐山九乳懸鯨魚長吼夜如年
雪埋鑊徑僧歸寺月落楓林客在船
隱隱空江度烟水迢迢哀角和霜天
尋常喚醒重衾夢深省由來不是禪

寒鐘

暝色增寒望欲迷劇憐幽火露參差
霜清茅屋鳴機處月

黑蘆灣喚渡時耿壁花稀闌夢杳籠竿風急客心危蕭齋
別有殘檠在俛影長親祇自知

寒燈

倚杖羣山盡處村蒼然暮色近黃昏天邊著雪明礬意塞
上連雲隱燒痕繪得巖姿應似睡生來石骨不宜溫幽人
定向何峯住獨抱冬心靜閉門

寒山

丙子十二月十九日同人集梁陞鄰

章鉅

禮部屬齋

爲東坡先生生辰設祀

酌公黃甘碧香之美酒羞公玉版玉糝之肴翼忽然咳唾
九天上雲車風馬俱有聲下爲江沱會潛漢上爲井絡聯
天彭文章節義兩不朽早脫死籍登長生君不見公生再

值歲丙子景祐紹聖一彈指宰相之才應運生胡爲擠之
瀕于死可真磨蝎巧躔身空有伏犀長貫耳沈廣南謝道
士行年之同偶然爾流俗棲遲亦如此計公生日經幾回
黃州赤壁差可喜作詩有王郎吹簫有李委高歌鶴鶴驚
危巢醜酒魚龍出寒水只今艤楫臨臯亭猶覺江山擅清
美祝公拜公何時無難得逢公覽揆始元氣長留天地間
七百八十一年矣春風隨公來畫堂是日滿堂搖動蠟燭
光送公騎龍歸帝鄉公乎曷不稍迴翔吾儕買田築室各
有願相約歲歲爲公傾一觴

爲雲汀前輩題漕河禱冰圖

銜尾千艘自北來，長河一夕報冰開。
灌壇恍覺神靈助，宣室從知使者才。
斃社珠光爭夜月，叢祠簫鼓起冬雷。
遙看青渚歸艎候，猶有樵風送客回。

見說河干板築齊，重新丹雘飾連闈。
隋堤想見排青鷁，漢室何煩祀碧雞。
古木寒雲宜入畫，明璫翠羽記留題。
他年繫纜經祠宇，還覩

天文煥斗奎

時百菊溪制府以露筋祠神助順利漕奏請修葺廟宇詔賜額以昭靈異

文信國琴歌

琴有信國題句云：松風一榻雨蕭蕭，
萬里封疆不寂寥。獨坐瑤琴遺世慮，
君恩猶恐壯懷消。末題景

炎元年蒙恩召入夜宿青原寺有感譜于琴中識
之此琴今藏閩人李氏梁禮部茵鄰以搨本見示
爲賦長句

毀家散盡堂前伎獨抱青琴誓生死剩水殘山託七絃攫
醜聲聲皆變徵臯亭被脅京口逃海水汨沒山林號拘幽
操兮走馬引琴乎曾否同斯遭間關萬死脫虎口景炎何

幸趨行朝青原合近中川寺會讀中興碑第二

公至温州
詩云乘潮

一到中川寺暗
讀中興第二碑風雨高歌泣鬼神江海飄零感忠義一片

新亭灑淚痕斷紋猶識君恩字從此冰絃春不溫稜稜正
氣如可捫燕市真成廣陵散楚些難返西臺魂羅道士汪

水雲枯桐疇昔知音存歷劫尚未遭摧焚罷琴惆悵月照

席用公胡笳十八拍中集杜句

數拍胡笳誰忍聞

岱頂秦碑殘字拓本

焚書遺燼累名山猶見殘碑出世間

碑久燬于火近始得斷石數片于玉女池

存臣斯等十字七十家文齊有此二千年石是真頑

集古錄云江鄰幾嘗至秦

山頂視秦所刻石處云石頑不可鏘鑿不知當時何以刻也

封多祕牒誰能掘神爲証

辭倘盡刪莫笑劉郎少才思升中無字却空還

爲霽青編修題所藏紀文達公九十九研銘拓本

青鐵自緣旌博物玉堂原合取端材就中若箇隨臣向勘

徧羣書七畧來

癡人詎獨桓司馬滿百猶思甃壙甌省識閱微

文達公微草堂名

意在草堂隅缺不求全

眾春園畔舊精廬宋宅還教庾信居

君前廡文達公虎坊橋舊宅其西即毛西

河集所稱衆春園也

過眼雲烟零落盡也應清淚滴蟾蜍

銘本如看說碑篇瀛洲同作舊聞傳

朱竹垞有說碑一首又會腐虎坊橋輯涼

洲道古錄

憑誰爲補先生影猶似屏風寫樂天

李北海麓山寺碑爲雲汀前輩題

我昔游匡廬東林適未至傳聞北海碑久已毀初地當年
遵化謫江湘屢停轡躡衣元徽塔濡翰太始寺麓山玉泉
南穹跌歷巖員竊糾龍蛇文湖光映明媚浩劫馳浮雲猶

餘蘚斑翠緬懷江夏姿太息開寶事鋒棱振直聲壺殮動

高義才名四十年每爲時宰忌燕公固伎人姚相獨何意

卒因惹故讒竟缺干將利生前孔璋書身後杜陵淚直道

世猶存斯人本無累不見碑板存至今有生氣君家麓山

旁舊搨珍在笥爲言三絕名

君言此碑北海撰文并書及自刻石其所稱黃鶴山樵刻

者即邕託名故世稱爲三絕碑

比美六公製郭公苦殘闕

碑陰爲明提學郭登庸磨去一

段大書橫勒其上真妄庸人也

沈郎僅扶置

嘉慶六七年間有達官遣吏拓取不以法其碑遂裂有沈

太守用灰油膠固之不能復舊觀矣

後來或咨嗟搜索恐無自何當浮洞庭

一攬迴雁勢松徑度清涼蘊椎倘親致彼哉宋公題道林

安足記

方輿勝覽道林寺有宋之間詩杜工部岳麓山道林二寺行云宋公放逐曾題壁物色分留與老夫

爲李蘭卿舍人題所製縮樨雪浪石盆銘箋

駁不迴割飛狐脊高盆會洗玉女頭當時遊戲已縮本更
誰縮向巾箱收坡仙去後並灑沒延津再合疑千秋衆春
園中妥位置埋盆汲井驚鄰州琉璃幸免妙庭碎古銅安
得高麗留丈八芙蓉宛然好終恐夜壑移藏丹九華失去
虛夢愁五嶽圖成宜卧游巧樨盤脫託文具幻出鉢咒通
神謀化身頓作百千億衍波恍惚跳珠流紙光如鏡掾如
月五十六字如環周剡藤從此信堪賀姚家獅鳳空雕鏤
三章乞越昔未許尺幅箋天今可求釣天輟聽故闔闔黃
柑青韭糲肴饑

是日適爲東坡先生生辰設祀

澄心百金那可得所慮詩

老空囊羞辦香壽公錦繡段青玉案在公應酬紫微故事
繼先哲看君落筆何能休琅玕十幅倘分我坐令肝腎生
閑愁

題雲汀前輩入蜀出蜀圖

前騎俛印旌旂連捫參厯井危到天後舟迅若矢脫絃郵
鼓未絕計里千誰歟揮灑水陸成雲烟乃是長沙才子入
蜀出蜀往復旋猿聲鳥道厯厯如當年男兒生不將兵宜
出使况有因緣在文字巴山話雨幾新篇益部占星尤故
事時清不用長卿檄地古惟尋道將志君不見梁益天險
殊奇哉卧龍躍馬成劫灰江山如此竟何意造物祇似供

詩材蠶叢魚鳧墾闢不到處定有健筆能爲開草堂無人
謫僊死范陸亦足稱雄才君能鐫鑿出新意安知不奪造
化重脰胎蕭湘一曲君常弄八九胸還貯雲夢更教橫絕
峨眉顛奇氣故應天所縱我亦同時拜

國恩半肩行李出修門探奇自欲入海窟却輸君已窮江
源十年詩筆在懷裏至今空帶蠻烟痕安得荆關逢好手
便令陶謝與同論

梁蒞鄰禮部古瓦硯齋題所藏林吉人甘泉宮瓦拓

本

漢武遺宮蔓草荒誰騎匹馬問斜陽已知片瓦千金值又

見殘編百歲強冊中多國初諸名宿題詠其後數葉著已非真蹟乃吉人子某書以補之者
錄諸家補歐趙飛騰前輩敵班張長生那及陶家土文字
因緣且未央

雲汀給事席上賦白櫻桃二首

朱櫻故事不勝徵
滴粉成珠見未曾
幾樹月明疑綴露
滿籃風細欲消冰
盧生衫裊餘津在
樊子肌膚本雪凝
待聽清歌傳樂府
長安風味一回增

白櫻桃惟京師西山中有之

歲月消寒道暑中
良朋贏得一尊同
參將玉板非無色
瀉入晶盤也是空
俊味已輸鹽攬苦
素心休羨石榴紅
南皮

可待成追憶
沈李浮瓜且未窮

時君將外任

霽青編修招同城南訪菊歸飲腐齋即席一首

纔罷尋春婪尾杯鳴鞭又爲訪秋來但無塵處皆堪隱未
到霜時不肯開晴日最宜佳節展時重陽後一日高城休放夕陽
催君家老圃猶餘地合費青錢買本栽

石士前輩惠所製縮摹東坡石銚箋并引

銚爲元水村所藏後有人以重價購去水村乃繪
樣作圖寄翁覃溪開學君從開學處撫得之者考
東坡試院煎茶詩已有罇鑑石銚行相隨句事在
熙寧五年此銚腹刻元祐二字應是集周種所
惠者公以元祐元年舉江寧府司理周種充學官

故定此銚種所惠也

紙上胡爲起雲霧鬢絲恍繞茶烟素翰林好事能翻新
樵得東坡好茶具東坡煎茶出西蜀鐫鑪石銚隨行住此獨
深鑄元祐年自應曾得周郎顧一從輟贈索新詩鮮漬雲
蒸憶佳句是時風日清玉堂小圃肯遺銅腥汚柘羅罷棄
不復陳至竟流傳落何處水村畫榭蘇叢藏也如折杵欣
遭遇見東坡次韻董夷仲茶磨詩異代翻教墨瀦沾化身合受芸香護
吾儕酒渴競思傾地鑪活火足風趣瓦盆盛酒邀比鄰石
鼎聯吟送歲莫乞取雲藍幾幅分勝如秀碧盈甌注請君
檢點瓶與甌或恐他年作掌故

同人小飲廡齋出吾鄉琴魚筍脯餉客各賦三絕句
丹泉洞口響悄悄千載溪流尚姓琴啖盡紅霞齋出聽微
鱗都似有仙心

湍激流清映帶餘風光偏好莫春初長橋幾折闌干影千
點楊花一寸魚

故人知我病思家千里筠籠餉藥查
琴魚一名藥查魚忽憶十年
谿上別春風閒煞釣徒槎

右琴魚

沿溪十里碧琅玕一夜驚雷萬箭攢正是江鄉燕來候蘆
牙菌耳共登盤

欲脫青衫爲汝歸南風吹老竹成團即看鹽腊形枯瘦

山谷

食筍詩鹽腊枯瘦猶勝朱門食肉肥

尋常煮簞笑匆匆鄉味無多與客同料得空腸芒角在併將烟雨貯胷中

右筍脯

題楊文靖宣德二年書功德寶經卷子

金問何人侍太子詞連洗馬罪應死錦衣一繫經十年讀徧諸經及諸史得非佛力陰護持太平相業先基此洪熙再見天日光聖孫嗣祚尤彰美三楊政府公較遲功名却並東西峙退食閒書一卷經八方無事可知矣歸然耆舊

歷四朝先帝念卿言在耳避賢不及金經持怙寵先看鐵
碑毀先機事失誰能追後死身孤復何恃令人三歎憶仁
宣一德君臣若魚水果能聖壽祝無量功德人天大歡喜
更書貝葉日千番何慮宮中出片紙

霽青編修招同人集鴈齋爲東坡先生作生日賦得

赤壁置酒李委吹笛故事

小年愛讀赤壁賦會到坡公昔游處

予以壬戌臘月過赤壁流連竟日江

山風月故依然七百餘年猶旦莫神仙小謫齊安城臨臯
亭下三清明生辰置酒盛賓客定有洞簫道士琴崔成何
來紫裘生撼蘧飛新聲想見掀髯一笑玉山倒頓使老鵠

格磔潛虬驚吾儕相醲爲公壽三度醉公眞一酒更無新
曲獻當筵縱有小詩羞出手何時雲夢澤南州擊汰明光
尋舊遊銅琶鐵板試高唱一洗胸中萬古愁

雲汀前輩惠高麗狼豪筆

弁引

黃山谷猩猩毛筆詩自注云錢穆父奉使高麗得
猩猩毛筆甚珍之云云任淵注引王雲雞林志高
麗筆蘆管黃毫健而易乏舊云猩猩毛或言是物
四足長尾善緣木蓋狄毛或鼠鬚之類案此所言
筆狀與今高麗狼毫筆正同爾雅鼬鼠郭云今鼬
似貂赤黃色大尾啖鼠江東呼爲鼬案鼬莊子作

狂與曲禮狂狷同字故山谷即以能言之獸當之
其實非也今名狼豪者則以鼬善啖鼠俗有鼠狼
之名耳

先生使筆如使刀著書掃盡千兔豪更從海外得奇具乃
是移父猩猩毛鼠狼非狼亦豐翰管城之封賀爾遭况從
虎僕備東觀豈讓貉角誇西遼先生得此供題詠脫帽蒙
茸却圓勁貂珥簪來映髻華豸冠執處知心正三錢坡老
漫矜持十玩雲卿記投贈高麗鄭士龍字雲卿嘗築堂名
曰十玩堂筆其一也見靜志居
詩話挽弧我輩羞壯夫閉門輦下箋蟲魚得分餘潤到蘆管
底須觸熱搖松膚更乞明光白高麗人以松膚柔者
緝成扇又其紙名白捶紙

鐘紙並見
雞林志 爲君聊試草元書

爲霽青編修題憶梅圖

天風吹空海水凍玉堂鈴索無人控雲窗雪案非世間閉
門有客時尋夢夢中鷲地春風來千樹萬樹梅花開想得
江南此時節暗香疎影相裊裊君言十載去鄉國欲問南
枝絕消息當時踏雪騎蹇驢小橋流水尋常值忽到牕前
疑故人屋梁落月空顏色聊將短幅狀蕭疏一種相思豈
傳得人生修不到梅花况欲花時常在家我有敝廬置人
外數株老幹蟠龍蛇却恐花枝轉相憶惜無妙手圖橫斜
便欲從君吹玉笛且教愁思散天涯